

gnoria nostra. Come li Bentivoy erano ussiti di Bologna, e la terra aversi dato al Papa a di 10, et altri avisi vechii; e come il signor marchese voria cavalchar et far qualche bon effetto contra francesi etc.

Noto. In questa terra al presente si ritrova domino Antonio Tibaldeo da Ferrara poeta, qual l'opre sue è impresse.

In questa matina a Santo Alvisè fo sposata una fia di sier Marco Antonio Contarini qu. sier Michiel in el conte da Colalto. Fu fato le sponsalicie in cha' di diti conti di sier Cabriel Gradenigo; fe' pranzo luculento. Erano done più di 120 e altri patricii zercha 200 e vicentini 60 et più, e done vicentine molte, per aver parentà con loro vicentini. Vi fu a disnar el signor Frachasso di San Severino et sier Nicolò Michiel dottor, cavalier, procurator, padre di la mare di la sposa. Fo dato in arzenti, ballo, done con maschare etc., perchè ebeno licentia, e fo dato pignochada a taola. *Item*, poi balato la sera, fu recitato per Cherea e fato le demonstration di una tragedia et egloga pastoral assa' bella. *Item*, fo sposata *etiam* una fia natural di sier Bortolo Contarini in sier Jacomo Boldù. Vi fu monsignor de Rù, domino Andrea Letistener e domino Gasparo Vinzer a disnar. *Etiam* si sposò una fia fo di sier Piero Ruzier in sier Zuan Querini da Santa Maria Formoxa qu. sier Piero; sichè la terra era in feste e iubilation, tutti godendo de la ruina di francesi, dicendo è miracolo de Dio questo.

178* Da poi disnar, fo Pregadi et leto le letere.

Fu posto, per i savii, una letera a Roma a l'orator nostro in materia di reaver le nostre terre iusta il breve, e la risposta ne à fato il cardinal, et avissarli di successi etc. Presa.

Fu posto, per li savii ai ordeni, che andando in Soria la nave Simitecola, ch'è molto richa, sia acompagnata fino in Cipro da do galie sotil per segurtà di quella, le qual poi *immediate* debano ritornar a Corphù andando per l'Arzipelago a veder di le fuste di turchi è fuora, che vanno in corso, non danizano i lochi nostri. Fu presa.

Fu posto, per li diti, che a Zuan di Zara dito Bombiga, fo patron di la fusta di Veia, qual si à portà ben contra i nimici, li sia dato certe saline di Muia, val ducati 150, zoè una caseta e alcune saline, fo di Zuan di Chioza rebello. Ave 9 di no, 126 di si.

Fu posto, per li savii, di elezer *de presenti* uno orator nostro al reverendo domino Matheo Lanch episcopo curzense, qual sarà a Trento, e vadi con 10 cavali e ducati 120 al mese con la comission li sarà dà per questo Consejo, sia electo con pena di

ducati 500 oltra tutte altre pene, e debbi partir fra do zorni, *ut in parte*. È presa. E tolto il scurtinio rimase sier Piero Lando savio a terra ferma qu. sier Zuane, el qual acetò; partirà *immediate*. Il scurtinio sarà posto qui soto.

Noto. Sier Zacaria Dolfin savio dil Consejo messe elezer do, uno di qual resti provedador in campo, *ut in parte*. Fo gran disputation; parlò molti, sier Alvisè da Molin, esso sier Zacharia Dolfin, sier Antonio Condolmer e altri; e fo preso la parte di savii, e fo sacramentà il Consejo.

Fu posto, per li diti, una letera al provedador zeneral in campo, come nui havemo mandato li daniari per li sguizari, et si mandi scorta a torli, e cussi per le zente nostre, e altre particolarità; e debbi star unito col cardinal etc. Fu presa.

Fu posto, per li savii, che sier Zuan Soranzo qu. sier Zuanne qu. sier Vettor dal Bancho, sia revisto la sua tansa per i 10 savii etc. Andò sier Piero Nani, è di la zonta, in renga, dicendo che si doveva *etiam* meter di la tansa di sier Francesco suo fratello, che morì per non poter pagar; et cussi il Doxe si levò et nulla fu posto.

Scurtinio di orator al reverendo Curzense.

Sier Bernardo Bembo dottor, cavalier, l'avogador di comun	19
Sier Zorzi Pixani dottor, cavalier, fo consier, qu. sier Zuane	76
Sier Nicolò Bernardo savio a terra ferma, qu. sier Piero	44
Sier Alvisè Malipiero, che fo savio dil Consejo, qu. sier Jacomo	77
Sier Antonio Condolmer, fo savio a terra ferma, qu. sier Bernardo	58
Sier Daniel Renier, fo avogador di comun, qu. sier Constantin	54
Sier Nicolò Michiel el dottor, è di Pregadi, qu. sier Francesco	42
† Sier Piero Lando savio a terra ferma, qu. sier Zuane	85
Sier Marin Morexini l'avogador di comun, qu. sier Polo	43
Sier Marco Minio, fo avogador di comun, di sier Bortolo	40
Sier Francesco Donado el cavalier, fo di la zonta, qu. sier Alvisè	40
Sier Lunardo Mozenigo, savio dil Consejo, qu. Serenissimo	41